

劔南詩彙目錄

卷第三十六

九里 清明 一百五日行 遊 李憲被

召舊與其先侍郎遊從 初夏 幽居

閒適 病中夜賦 閒身 書感 衰病

雜題 六首 自傷 雨後絕涼偶作 村

居 久雨 七十三吟 會稽 泛舟

夜觀子虞所得淮上地圖 水村 題菴

劔南詩彙

卷卅六目

汲古閣

壁 二首 晚歸舟中作 送嚴居厚棄官歸

建陽溪莊 次朱元晦韻題嚴居厚溪莊

圖 夢中遊禹祠 感懷 酒熟 病起

遊近村 秋夜讀書示兒子 秋晚書感

王成之給事挽歌辭 二首 書南堂壁 二首

秋晚 晨起待子聿歸 信筆 二首 龜

堂東窗戲弄筆墨偶得絕句 五首 次呂子

益韻 舍北行飯書觸目 二首 明日復得



五字

首二

十一月二十二日夜待子聿未

歸南窗幽居春近山中即事

首三

雪夜感舊將進酒歲暮懷張季長

謝朱元晦寄紙被

首二

送王季嘉赴湖南

漕司王管官菴中夜興初春欲散步

畏寒而歸憶笈戊午元日讀書至夜

分有感

首二

雜感

首十

歎老朝飢食齋

麪甚美戲作

首二

漁隱堂獨坐至夕讀

劔南詩藁

卷卅六目

汲古閣

書北望蘭古梅山脚散步田舍

北歸

首三

寄題連江陳氏拂石軒得張

季長書以大蓬見稱蓋以予寄祿官視笈

祕書監也病足累日不能出門折花自

娛書意新燕北巖采新茶用忘懷

錄中法煎飲欣然忘病之未去也連日

至梅僊塲及花涇觀桃花抵暮乃歸

首二

劔南詩藁目錄

卷三十一

六終

劔南詩彙卷第三十六

九里

破曉憑鞍野興濃
鷺飛先我過村東
綠鍼細細稻浮水
絳雪紛紛花舞風
陌上鞦韆喧笑語
檐頭炬杖簇青紅
誰知老子裴回意
絕愛山橫淡靄中

清明

氣候江吳異清明
乃爾寒老增丘墓
感貧苦道

劔南詩彙

卷之廿六

汲古閣

途難燕子家家入
梨花樹樹殘一春
回首盡懷抱若爲寬

一百五日行

一百五日東郊時
陂塘水滿雨如絲
人家青煙不禁火
俚俗豈復思子推
舊墳年多木已拱
新墳積土高壘壘
老鴉飛鳴啣肉去
紙錢雨溼掛樹枝
溪松茂栢死自樂
地下應笑生人悲
眼中青山身後塚
此事決定君何疑
風吹雲破日下

照小灘碎礫光陸離停車暫憩道傍舍解囊且
補殘春詩

送李憲被召舊與其先侍郎遊從

早謁龍門鬢未秋暮年乃復接英遊海瀕已幸
見公子瓜壘仍煩訪故侯霖雨卽陪諸老進德
星宵爲一方畱西城柳色青如許欲挽長條特
地愁

初夏

劔南詩豪

卷之卅六
二

汲古閣

已過浣花天行開解粽筵店沽浮蠟酒步屐載
秧船古俗交情久豐年樂事偏出波蓴菜滑上
市鯿魚鮮僧閣梅山麓漁扉禹廟壻丹青不可
畫得句一欣然

幽居

社結山林友家藏種樹書蔽牀欣卜宅容駟笑
高閣薄飯頻菹韭單衣旋製練東家僭蹇罷南
市買船初美景遊俱遍鄰翁好不疎時時得菜

興豈獨愛吾廬

閑適

朝讀易一卦時鈔史數行
花開聊把酒睡起獨焚香
寂寂市聲遠悠悠村日長
吾衰尙何恨兒女解耕桑

病中夜賦

客如病鶴臥還起燈似孤螢闔復開
首薇花催春事去梧桐葉送雨聲來
滎河溫洛幾時復志

劔南詩藁

卷之卅六

汲古閣

蒿萊
士仁人空自哀但使胡塵一朝靜
此身不恨死

閑身

炊煙漠漠閑柴荆聊用閑身答太平
重碧飛觴心未老硬黃臨帖眼猶明
吳蠶滿箔含桃熟龍麥登車搏黍鳴
補劓息黥今有地問君何處用
虛名

書感

奪璧元知價不讎
屠龍誰信本無求
哦詩聲裏歲時速
憂國淚邊天地秋
已欠謝安俱泛海
況無王粲與登樓
此身著處憑君記
萬里煙波沒白鷗

衰病

衰病集餘日推移
成老翁衡門隱者趣
大布古人風
几杖呻吟裏
山川莽蒼中
從來世緣薄
不是坐詩窟

劔南詩藁

卷之卅六
四

汲古閣

雜題

少談王霸謀
身拙晚好詩
騷學道疎
賴有一籌差
自慰閉門不作子公書

又

莫笑花前白髮新
宣和人醉慶元春
何時道路平
如砥却就清伊整幅巾

又

三生元是出家人
一念差來墮薦紳
二寸楮冠

雙艸屢天公還我水雲身

又

黃庭兩卷伴身閑盤篆香殘日未殘泛泛孤身似萍葉始知天地不勝寬

又

年華偃蹇畱不住鬢雪縱橫耘更多樂天不生夢得死恨無人續竹枝歌

又

劔南詩彙

卷之卅六
五

汲古閣

年來世事掃除盡猶有閑吟頗自奇安得陟釐九萬箇爲君盡寫算年詩

自傷

朝雨算雨梅子黃東家西家鬻蘭香白頭老鰥哭空堂不獨悼死亦自傷齒如敗屐鬢如霜計此光景寧久長扶杖欲起輒仆牀去死近如不隔牆世間萬事俱茫茫惟有進德當自強往從二士餓首陽千載骨朽猶芬芳

雨後絕涼偶作

槐陰日色薄桐葉雨聲長林下有餘適城中無
此涼浮瓜寒水碧斲藥小鉏香未許陶潛達華

替何足忘

陶詩云聊
用忘華簪

村居

黍酒濃浮瓮瓜菹綠映槃老便藜粥美病喜粟
漿酸紗帽新裁穩絕袍舊製寬村居亦何好聊
用發詩端

劔南詩藁

卷之卅六

汲古閣

久雨

水長平侵岸雲低半失村菰蒲亂鳧鴨泥潦困
雞豚弄筆排孤悶煎茶洗睡昏荒郊多狗盜及
早閉柴門

七十三吟

七十三年事事新涵濡幸作六朝民髮無可白
方爲老酒不能賒始覺貧末路已悲身是客此
心猶與物爲春柴門勿謂常岑寂時有鄉鄰請

藥人

會稽

海近風雲惡城高鼓角雄山川橫慘淡樓閣半
虛空故國千年鶴征途萬里蓬餘生猶幾日盡
合付杯中

野舟泛舟

山照澄波髮鬢青新蒲梢上立蜻蜓孤舟每爲
尋詩出輪與漁翁醉不醒

劔南詩橐

卷之卅六
七

汲古閣

夜觀子虛所得淮上地圖

閉置空齋清夜徂時聞水鳥暗相呼胡塵漫漫
連淮潁淚盡燈前看地圖

水村

家住煙波似画图殘年不復歎頭顱淡淡竹塢
見螢度翳翳菰叢聞鳥呼十里笳聲上雲漢一
空星影落陂湖天公著我非無地却悔從來錯

怪渠

題菴壁

萬里東歸白髮翁，閉門不復與人通。
綠樽浮蟻狂猶在，黃紙棲鴉夢已空。
薄技徒勞真刻楮，浮生隨處是飛蓬。
湖邊吹笛非凡士，儻肯相從寂

寞中

每風月佳夕輒有笛聲起湖之西南莫知何人意其隱者也

又

俠氣當年蓋五陵，今成粥飯在家僧。
身存但倚貧非病，齒落方慚豁可憎。
踏月閑穿雙艸屨，聽

劔南詩豪

卷之卅六

汲古閣

琴橫按一枯藤，年來萬事都經遍。
強笑看人獨未曾

晚歸舟中作

路入芙蓉浦，家依擺榔村。
急難雙鷺立，平野萬鷗翻。
市散人爭渡，僧歸寺掩門。
淒涼誦新句，招得欲殘魂。

送嚴居厚棄官歸建陽溪莊

曼容不過六百石，淵明僅留八十日。
寥寥千載

有兩公海內至今推絕識放翁貪祿老始歸自
今不作一錢直見人勇退輒欣慕亟欲起拜忘
衰疾吾廬近在官道傍門外未掃車馬迹溪莊
有地肯見分會結茅齋傍青壁

次朱元晦韻題嚴居厚溪莊圖

鶴俸元知不療寤葉舟還入亂雲中溪莊直下
秋千頃羸取閑身伴釣翁

夢中遊禹祠

劔南詩藁

卷之卅六
九

汲古閣

湖上無人月自明夢中髣髴得閑行庭空滿地
楸梧影風壯侵雲鼓角聲世異客懷增慘愴秋
高歲事已崢嶸長歌忽遇騎鯨客喚取同朝白
玉京

感懷

老抱遺書隱故山鏡中衰鬢似霜管規模肯墮
管蕭亞夢想每馳河渭間竹帛竟孤千載事江
湖敢恨一生閑殘功賴有吾兒續把卷燈前爲

破顏

酒熟

侯印何由得酒泉小槽新熟亦欣然放翁達處
過彭澤客自在傍吾自眠

病起遊近村

老人摧頽絕造請門設常關艸生徑一年三百
六十日三百五十九日病一日不病出忘歸繞
村處處扣柴扉水東溪友新酒熟舍北園公菰
菜肥平生養氣心不動黜陟雖聞了如夢從今
病愈卽相尋共聽糟牀滴春瓮

秋夜讀書示兒子

久病少睡眠往往中夕起呼燈取書讀不能盡
數紙喟然置之歎生世後闕里持蠹欲測海遠
復迫老死人生各有業唐虞本吾事詩書脫秦
厄天意固在此異端塞穹壤作俑孰爲始神禹
逝不還吾其如泮水

劔南詩藁

卷之卅六

汲古閣

秋晚書感

丘塚相望故舊空
放翁猶復寄漚中
少眠危坐待窗白
得酒細傾生頰紅
雖媿蛟龍起雲雨
尚勝魚鳥困池籠
秋來莫道無遊興
野渡村橋處處通

王成之給事挽歌辭

管沂黃牛峽曾經白鷺州
從容參步武談笑極
風流晚預蓬萊客
時從禊祓遊揮毫看半醉
追

劔南詩彙

卷之卅六
十一

汲古閣

想只添愁

又

詩騷湘水客風度曲江公
一夕南樓去千秋東
省空囊封震朝右墨敕絕
宮中贈極文昌貴君
恩厚飾終

書南堂壁

偶築湖邊舍侵尋四十春
山丘未薶骨詩酒尚
關身樵路霜侵屢漁舟
雨墊巾忝蒙鄉黨敬六

聖有遺民

予生於宣和乙巳歲

又

荒寒淺村步隱翳小茅茨偶逐漁樵住都忘歲月移閑惟接僧話老始愛陶詩耆齒猶須幾羸然敢自期

秋晚

寒渚雁新下壞牆蛩夜吟庭莎欲無色園樹不成陰霑灑孤臣淚馳驅壯士心明朝鏡中髮飽劔南詩豪

卷之卅六十一

汲古閣

受雪霜侵

晨起待子聿歸

老人盥櫛罷坐待汝晨省忽思隔重關懷抱增耿耿小雨暗北窗誰與慰淒冷卷書默袖手奈此清晝永懸知河橋下亦已喚解艫長路歸當飢呼童具湯麩

信筆

吾生本暫寓無日不可死區區遲速問何地著

愜喜朝移一株石暮引一脉水是中亦何樂一
笑聊爾耳

又

有酒或一醉無酒終日閑雨足通南澗木落見
西山飯飽出柴門本散腰脚頑偶然遇野人笑
語欲忘還

龜堂東窗戲弄筆墨偶得絕句

身如蠶老已三眠一繭何妨自裏纏豆飯藜羹

劔南詩藁

卷之卅六
十三

汲古閣

支永日槿籬竹屋送餘年

又

一樽且復罄幽歡不是癡頑強自寬死去何憂
累兒子千錢可買市成棺

又

北菴睡起坐東廂無事方知日月長天與詩人
送詩本一箋黃蝶弄秋光

又

老衰有驗詩先退，勲業無心夢漸稀。
淺浦小山孤絕處，數家煙火自相依。

又

老人孤寂似無家，午枕初回日已斜。
偶得風和身亦健，舍南舍北探梅花。

次呂子益韻

呂子奇才非復常，詩來起我醉中狂。
大音誰和陽春曲，真色一空時世粧。
東閣獻諛無轍迹，西

劔南詩藁

卷之卅六
十四

汲古閣

湖寄傲有杯觴，病懷正待君湔洗。
墨妙時須寄數行。

舍北行飯書觸目

晚飧初潑一甌茶，曳杖閑行興未涯。
煙樹參差墨濃淡，風鴉零亂字橫斜。
夕陽偏傍平橋路，寒蝶猶依晚菊花。
堪笑衰翁耐荒寂，短衣霑露未還家。

又

落雁昏鴉集遠洲青林紅樹擁平疇意行舍北
三叉路閑看橋西一片秋小婦破煙撐去艇丫
童橫笛喚歸牛形容野景無餘思自怪癡頑不
解愁

明日復得五字

羸病偶不死端居息出遊山寒麥苗短天濶雁
聲適學劔元癡絕脂車久罷休鄰翁獨眷眷同
好自相求

劔南詩藁

卷之卅六
十五

及古閣

又

腰痛今朝愈褰裳野興長黃鴉號亂篠碧蝶繞
枯桑陂壤良疇廢村空舊路荒十年逢九潦誰
與問蒼蒼

十一月二十二日夜待子聿未歸

寒爐火半銷壞壁燈欲死人行籬犬吠月出林
鵲起吾兒信偶非長路老子可憐煎百慮人人
父子與我同立朝勿遣交河戍

南窗

暄妍一窗日的爍數枝梅小鼎煎茶熟幽人作
夢回新春又將近晚景但堪哀用底舒懷抱殘
書闔復開

幽居

衰鬢蕭條笑舊青一枝棲穩寄餘齡徐行不媿
衣露肘安臥何妨席見經視客恰如堂上燕拈
書那願案頭螢時時開說前賢事聊遣鄉閭識
劔南詩藁

卷之卅六
十六

汲古閣

典刑

春近山中卽事

乞得松楠手自栽結茅聊喜避風埃百年孰與
夢長短萬事只如雲去來雪後梅花初半吐身
閑樽酒盍頻開錦官城外青羊路常記當年小
獵回

又

節物貧家有故常春盤臘粥逐時忙悠悠歲月

催雙鬢艸艸雞豚薦一觴人意自殊平日樂梅
花寧減故時香小園新展西南角掛樹青蘿百
尺長

又

世亂王孫泣路隅時平野老醉相扶種楳正可
三年大夢竹何曾一日無細路迢迢上雲雨輕
舟渺渺入菰蒲算歸剝欲談幽勝安得丹青爲
作圖

劔南詩藁

卷之卅六
十七

汲古閣

雪夜感舊

江月亭前檠燭香龍門閣上馱聲長亂山古驛
經三折小市孤城宿兩當晚歲猶思事鞍馬當
時那信老耕桑綠沉金鎖俱塵委雪灑寒燈淚
數行

將進酒

我欲挽住北斗杓常指蒼龍無動搖春風日夜
吹艸木只有榮盛無時凋我欲剗斷日行道陽

烏當空月杲杲非惟四海常不夜亦使人生失
衰老如山積麴高崔嵬大江釀作蒲萄醅頽然
一醉三千杯借問白髮何從來

歲算懷張季長

已迫桑榆景况逢梅柳時功名終自誤老病獨
如期醉眼嫌天迳孤吟覺鬼悲唐安在何許無
字寄相思

謝朱元晦寄紙被

劔南詩藁

卷之卅六
十八

汲古閣

木枕藜牀席見經臥看飄雪入窗櫺布衾紙被
元相似只欠高人爲作銘

又

紙被圍身度雪天白於狐腋軟於綿放翁用處
君知否絕勝蒲團夜坐禪

送王季嘉赴湖南漕司主管官

它人作陵邑榜笞朝暮急王子乃不然袖手萬
事集它人西入都競裁丞相書王子掉頭去長

沙萬里餘問子謀身無乃左凜如霜松姿磊砢
屈原賈誼死有靈計此兩人心獨可

菴中夜興

示疾維摩無侍者夜闌自掩艸菴門有情梅影
半窗月相應雞聲十里村紙帳擁裘尋斷夢地
爐撥火煖殘樽扶衰又踐新春境萬事元知不
足論

初春欲散步畏寒而歸

劔南詩豪

卷之卅六
十九

汲古閣

峭寒漠漠入重貂酒力欺人疑不消春困苦多
無處賣客魂欲斷倩誰招一溪水淺梅枝瘦四
野雲酣雪意驕欲到前村無奈嬾却尋歸路度
西橋

憶筓

憶筓從戎出渭濱壺漿馬首泣遺民夜棲高冢
占星象書上巢車望虜塵其道功名方迫逐豈
知老病只逡巡燈前撫卷空流涕何限人間失

意人

戊午元日讀書至夜分有感

七十年來又四年雨聲燈影故依然未收浮世
風漚夢尙了前生蠹簡綠老學辛勤那有補舊
聞零落恐無傳先師鉢袋終當付歎息誰能共
著鞭

又

強戴羅旛怯歲增光陰堪歎捷飛騰簷間點滴
劔南詩豪

卷之卅六
二十一

汲古閣

新春雨窗下青熒半夜燈傍架討尋書散亂倚
屏吟嘯髮鬢髻極知老境惟當佚絕學端居恨
未能

雜感

志士山棲恨不溪人知己是負初心不須先說
嚴光輩直自巢由鎔到今

又

勸君莫識一丁字此事從來誤幾人輸與茅簷

負暄叟時時睡覺一頻伸

又

世事紛紛無已時勸君杯到不須辭但能爛醉
三千日楚漢興亡總不知

又

百年鼎鼎成何事寒暑相催卽白頭縱得金丹
真不死摩挲銅狄更添愁

又

劔南詩藁

卷之卅六
二十一

汲古閣

世間魚鳥各飛沉茅屋青山無古今畢竟替他
愁不得幾人虛費一生心

又

一杯濁酒卽醺然自笑閑愁七十年今日出門
天地別此身如在結繩前

又

山人那信宦塗艱強著朝衣趁曉班豪氣不除
狂態作始知只合死空山

又

老子傾囊得萬錢石帆山下買烏犍牧童避雨
歸來晚一笛春風艸滿川

又

故舊書來訪死生時聞剥啄叩柴荆自嗟不及
東家老至死無人識姓名

又

忍窮待死十年間老子誰知老更頑溪友畱魚

劔南詩彙

卷之卅六
二十二

汲古閣

僕晚酌鄰僧送米續朝餐

歎老

朋儕什九墮丘墟自笑身如脫網魚委命已悲
吾道喪垂名真負此心初齒殘僅可決濡肉眼
澀知難讀細書家事豈容關老子兒曹努力事

耕鉏

朝飢食齋麪甚美戲作

一杯齋餽餽老子腹膨脝坐擁茅簷日山茶未

用烹

又

一杯齋餽飀手自芼油葱天上蘇陀供懸知未
易同

漁隱堂獨坐至夕

斜倚筇枝岸幅巾閉門久已謝知聞中庭日正
花無影曲沼風生水有紋三尺桐絲多靜寄一
樽玉瀼足幽欣世間萬事都忘盡惟向閑中屢

劔南詩彙

卷之卅六
二十三

汲古閣

策勲

讀書

讀書肝膽尚輪囷蠹簡堆中著此身飽識三千
餘歲事已爲七十四年人鏡中衰鬢難藏老海
內虛名不救貧只欲從今都掃盡剗沽春酒答

新春

北望

替我初生歲中原失太平寧知墓木拱不見塞

塵清京洛無來信
江淮尚宿兵
何時青湖月重
照漢家營

蘭

南巖路最近
飯已時散策
香來知有蘭
遠求乃
弗獲
生世本幽谷
豈願爲世娛
無心託階庭
當門任君鋤

古梅

梅花吐幽香
百卉皆可屏
一朝見古梅
梅亦墮

劔南詩豪

卷之卅六
二十四

汲古閣

凡境重疊碧
蘚暈天矯
蒼虬枝誰汲
古澗水養
此塵外姿

山脚散步由舍北歸

偶散東岡步
因成北渚遊
鴉昏先小泊
魚暖欲
群浮緩曳紅
藤杖斜披紫
綺裘閑身病
亦可隨
處得無愁

又

幽徑欣行藥
衰年困負薪
梅殘香更遠
艸動綠

初勻魚似濠梁樂鷗如海上馴度橋成一笑微
健及新春

又

空碧升團月江郊弄夕霏生涯今始是年事古
猶稀水解魚初躍風和雁欲歸興來忘遠近艸
露已沾衣

寄題連江陳氏拂石軒

李似之嘗
有歌詞

平生聞說西江水百丈齋淪湫見底漁舟來去

劔南詩藁

卷之廿六
二十五

汲古閣

白鷗飛上有綸巾隱君子作詩自許輩陶謝獻
傲煙雲弄清泚紛紛聲利滿人間耳本不聞安
用洗李公過江號高流逸氣凜凜橫清秋沙邊
一笑偶邂逅掃石陰松相獻酬浩歌聲斷七十
載尚寄萬壑風颼颼放翁老憊狂未歇買船欲
作西江遊

得張季長書以大蓬見稱蓋以予寄祿官

視管祕書監也因作五字寄之

老病江湖上，煩公問死生。僊蓬雖誤到，殘錦只

虛名。

近歲裁損濫恩所謂十色錦者所存亡幾

點滴三更雨，淒涼萬

里情。向來遺恨極，不遂隱青城。

病足累日不能出，菴門折花自娛。

頻報園花照眼，踟蹰正廢下堂行。擁衾又聽
五更雨，屈指元無三日晴。不奈病何，拋酒醜麤
知春在，賴鶯聲一枝自浸銅瓶水。喜與年光未
隔生。

劔南詩藁

卷之廿六
二十六

汲古閣

書意

帝命煌煌敕百神，方傾天漢洗胡塵。但須荊州
一好漢，安用商山四老人。竹帛恐貽千古笑，江
湖未媿百年身。此心欲與何人說，病足呻吟又
過春。

新燕

天工不用剪刀催，山杏溪桃次第開。要信今年
春事早，社前十日燕新來。

北巖采新茶用忘懷錄中法煎飲欣然忘
病之未去也

槐火初鑽燧松風自候湯攜籃苔徑遠落爪雪
芽長細啜襟靈爽微吟齒頰香歸時更清絕竹
影踏斜陽

連日至梅僊塢及花溼觀桃花抵暮乃歸
千載桃源信不通鏡湖西塢擅春風舟行十里
畫屏上身在西山紅雨中俗事挽人常故故夕

劔南詩豪

卷之卅六
二十七

汲古閣

陽歸擢莫忽忽豪華無復當年樂爛醉狂歌亦
足雄

又

桃花塢近釣魚磯不比劉郎萬里歸水底紅雲
迷醉眼樽前絳雪點春衣病依几杖猶能出老
夢風光未忍違天俗清遊每寤日夜淡炬火候
柴扉

劔南詩豪卷第三十六

劔南詩彙目錄

卷第三十七

病中作 題郭太尉金州第中至喜堂

暮春 小園新晴首二 春晚感事首二 春

晚園中作 題夷堅志後 幽居 聞鳥

聲有感首二 與子虞子坦坐龜堂後東窗

偶書 行年 東窗小酌首二 西林傳菴

王求定菴詩首二 夏日首五 夜酌 夏夜

劔南詩彙 卷卅七日 汲古閣

首四 泛舟 感舊首六 書喜 自詠 露

首二 坐 親舊或見嘲終歲杜門戲作解嘲

北窗 新秋以窗裏人將老門前樹欲

秋為韻作小詩首十 食新有感貧居久蔬

食至是得肉 秋夕露坐作 有年 大

雨 東西家 予自春夏屢病至立秋而

愈作長句自賀 七月十一日雨後夜坐

戶外觀月 王與道尚書挽詞首二 初秋

感秋 北窗試筆 秋思首四 新涼首二

自遣 自規 感舊首四 秋日獨酌

夙興 身世 憶筓 豐歲 村居 中

秋夜半後無雲而月色微淡尤為絕景

夜賦 遣興 秋賽 寄題周丞相平園

雨三日歌 戲作治生絕句 龜堂雜

題首四 偶讀陳無已芍藥詩云一枝剝欲

簪雙髻未有人間第一人蓋晚年所作也

劔南詩藁 卷卅七日 汲古閣

為之絕倒戲作小詩 村舍 雨中作

江郊 閒趣首三 小飲 作字 晝眠起

偶賦 小舟過吉澤効王右丞 湖山雜

賦首五 太息首四 學書 晚興 秋晴見

天際飛鴻有感 初寒獨居戲作 夢觀

牡丹 書喜首三 小飲罷行至湖塘而歸

病雁 澤居 秋穫歌 戊午重九

重九懷獨孤景略 晨鏡 秋霽遣懷

初冬
屏迹
初寒
風雨
龜堂自詠
閒

居初冬作
病中排悶
季秋已寒節令

破裘頗正喜而有賦無餘厚詰病說法虞卿窮

劍南詩藁

卷卅七日
三

汲古閣

融玉喜而有規
小飲罷行至湖塘而歸

居初冬作
雪中排悶
歌季秋已寒節令

風雨
龜堂自詠
閒

劔南詩橐卷第三十七

病中作

破裘縫夏暖糲食美無餘
摩詰病說法虞卿窮
著書身羸支枕久足蹇
下堂疎今日晴窗好幽
懷得好攄

題郭太尉金州第中至喜堂

安康甲第天下傳
玉題繡井摩雲煙
落成鼓吹震百里
意氣欲壓秦山川
第中築堂最宏麗
奎劔南詩橐

卷之卅七

汲古閣

畫岌岌蛟龍纏
知公所喜在勇退
顧視解組如登仙
公心雖爾天未可
終倚北伐銘燕然
十年宿衛功第一
小却臥護長淮邊
帳前犀甲羅十萬
幙下珠履逾三千
願公小緩高枕計
卽今河雒猶腥羶
出師雞鹿擁皂纛
画象麒麟峩玉蟬
是時公喜客亦樂
爲公滿瀉黃金船

暮春

山陰又見暮春初
禁火園林社雨餘
世事不妨

隨日改年光未遽與人疎
豉香下箸嘗蓴菜鹽
白開奩得鬻魚艸艸一杯終可喜
數間茅屋亦
吾廬

小園新晴

散髮陽狂不計年
園林只在小窗前
斷虹千尺
卷殘雨新月一鉤生
暮天臘釀拆泥畱
客醉山茶落磴喚兒煎
物華心賞元無盡
剗住人間作

地仙

劔南詩藁

卷之卅七

汲古閣

又

衰病猶煩藥石功
殘春終日在園中
地偏幽艸爲誰綠
雨霽新花如許紅
足蹇扶持須穉子
杯深暖熟賴鄰翁
此身雖向閑中老
若比休休却未同

司空表聖休休亭歌曰休休休莫莫莫
伎倆雖多性靈惡賴是常教閑處著

春晚感事

據鞍千里何曾病
閉戶安眠百病生
每憶嘉陵

江上路
插花藉艸醉清明

又

寒食梁州十萬家
鞦韆蹴鞠尚豪華
犢車輕輦歸城晚
爭碾平蕪入亂花

春晚園中作

杏子青青梅子酸
山園轉眼又春殘
老懷豈復小年樂
病骨不禁清曉寒
學術背時甘義墮
功名無路久心闌
蠶收麥熟吾何恨
但遣銀杯似海寬

劔南詩藁

卷之卅七
三

汲古閣

題夷堅志後

筆近反離騷
書非支諾臯
豈惟堪史補
端足擅文豪
馳騁空凡馬
從容立斷鰲
陋儒那得議
汝輩亦徒勞

幽居

小舫藤爲纜
幽居竹織門
短籬圍藕蕩
細路入桑村
魚膾槎頭美
醅傾粥面渾
殘年謝軒冕
猶

足號黎元

聞鳥聲有感

小市提壺酤濁酒東陂脫袴插青秧歸來靜臥
茅簷底如覺閑中白日長

又

流年冉冉去無情日夜溪頭布穀聲城郭雖存
人換盡令威應悔學長生
與子虞子坦坐龜堂後東窗偶書

時鳥朝暮鳴芳艸日夜生春風捨我去歲律俄
劍南詩藁

卷之卅七
四

汲古閣

崢嶸綴簇繭白白出陂稻青青鳴機織苧葛暑
服亦已成小兒結山房窗戶頗疎明萬事不挂
眼朱黃浩縱橫佳哉東北風吹下讀書聲功名
詎敢望且復慰父兄

是日午間聞子聿在
山半讀書相與欣然

行年

行年過七十與世兩相忘墨沼龜魚樂藥園芝
朮香吾生一蟲臂世路幾羊腸楮弁新裁就翛

然學道衰

新作兩
褚冠

東窗小酌

烏帽翩僊白苧涼東窗隨事具杯觴流年不貸
世人老造物能容吾輩狂藤葉成陰山鳥下檜
花滿地蜜蜂忙何人画得農家樂咿軋縲車隔
短牆

又

市塵遠不到林塘嫩暑軒窗晝漏長蠶妾趁時
爭鹽繭農夫得雨正移秧徒行有客驚頑健爛

劍南詩藁

卷之卅七
五

汲古閣

藜林

西林傳菴主求定菴詩

粥後鐘魚未動時夜燈仍對碧琉璃不須更說
能生慧枯木寒灰也自奇

又

業力驅人舉世忙西林袖手一爐香未能成佛
渾閑事十劫看渠坐道場

夏日

將雛燕子漸離巢，過母龍孫已放梢。日出竝湖初曬網，雨餘藥屋旋添茅。家貧舊業元知廢，身老微官久合拋。莫恨門前車馬絕，豈無農圃與論交。

又

過眼春光久已空，曬絲擣麥又匆匆。新泥滿路梅黃雨，古木號山月暈風。角黍菱新間罇俎，靈劍南詩橐。

卷之卅七
六

汲古閣

符墨溼照房櫳，歲華不爲衰翁駐。且付餘生一笑中。

又

吳中五月暑猶微，竟日南堂坐掩扉。綠樹露

一作

霧香鶯獨語，画廊風惡。

一作急

燕雙歸，三千界內

人人鎔七十年來念念，非投老萬緣俱掃盡。從今僧亦不須依。

又

雨斷雲歸旋作晴尚餘紅溼在簾旌燕雛掠地
飛無力梅子臨池墜有聲米糲解包供午餉萍
齋傍枕析朝醒此翁不負頑軀處捫腹時時繞
舍行

又

梅雨初收景氣新太平阡陌樂閑身陂塘漫漫
行秧馬門巷陰陰挂艾人白葛烏紗稱時節黃
雞綠酒聚比鄰掀髯一笑吾真足不爲無錐更
劔南詩橐

卷之卅七
七

汲古閣

歎貧

夜酌

酒淥孤燈夜梅黃細雨天聊成顧影醉復作曲
肱眠腰下蘇秦印囊中趙壹錢丈夫隨所遇底
處不陶然

夏夜

夏夜誰知亦自長幽居渺在水雲鄉月侵竹籬
清無暑風度衣篝潤有香棲鶻自驚移別樹流

螢相逐過橫塘放翁尚苦餘醒在細綆銅鉸落
井牀

又

山崦風生鵬嘯悲柴門月上樹陰移熏衣汗雨
初乾後把卷蚊雷不動時孤悶難禁終歲病浮
生易滿百年期釣竿只待清秋近一棹煙波信
所之

又

劔南詩豪

卷之卅七

汲古閣

展轉紗幮睡不成一藤扶憊繞廊行月昇雙鵲
移枝宿露下孤螢綴蔓明汲井忽驚人已起開
門堪歎事還生羽衣道帽從吾好柏子煙中起
磬聲

又

龜息綿綿破五更起扶藤杖竝南榮擇栖孤鵲
尚三匝司旦老雞俄一鳴移坐徐看山月吐脫
巾聊受水風清不知竟是真仙未夜夜神遊白

玉京

泛舟

水鄉元不減吳松短檝沿河野興濃鬱鬱冬青

森翠葆離離夜合散紅茸水涯多此二樹村溪初度穿

林笛寺近先聞出塢鐘歸路夕陽猶滿岸憑舷

一笑覽衰容

感舊

要識梁州遠南山在眼邊霜郊熊撲樹雪路馬

劔南詩橐

卷之卅七

汲古閣

蒙瓊慘淡遺壇側拜韓信壇至今猶存蕭條古廟墟沔陽有蜀

後王所立武侯廟百詩猶可想歎息遂無傳予山南雜詩百餘篇

舟行過望雲灘墜水中至今以為恨

又

夜涉南沮水朝過小益城梯山天一握度棧土

微平雨近秦雲暗霜高隴月明至今孤夢裏唱

馬有遺聲唱馬皆七字韻語聞之悲愴動人

又

早發金堆市更衣石櫃亭灘聲秋後壯山色雨
餘青道潭愁車轍橋危避駝鈴功名竟何在撫
事感頽齡

又

塵土暗貂裘森然白髮稠年光真袞袞吾事竟
悠悠馬宿平沙夜

軍中馬及廐卒夏夜皆露宿沙上

烽傳絕塞

秋

平安火並南山來至山南城下

故人零落盡追寫只添愁

又

劔南詩彙

卷之卅七

汲古閣

凜凜隆中相臨戎遂不還塵埃出師表艸棘定
軍山壯氣河潼外雄名管樂間登堂拜遺像千
載媿吾顏

又

我思杜陵叟處處有遺蹤錦里瞻祠柏綿州弔
海棕蹉跎悲攬驥感會失雲龍生世後斯士吾
將安所從

書喜

雨足郊原正得晴地縣萬里盡春耕陰陰阡陌
桑麻暗軋軋房櫓機杼鳴亭鼓不聞知盜息社
錢易歛慶秋成天公不負書生眼畱向人間看
太平

風來自詠

平生萬事付憨癡兀兀騰騰到死時夜踏亂雲
過略約曉分寒溜注軍持束薪山客招烹石渡
海蕃僧乞製碑作箇生涯君勿笑拄天勲業亦
劔南詩夢

卷之卅七

汲古閣

兒嬉

露坐

立秋前五日

旋削甘瓜進酒卮斷雲漠漠斗離離北臨積水
風來壯東恨長林月上遲秋近不堪聞急杵夜
涼已復怯輕絺天孫老抱河梁恨豈獨人生事
可悲

秦嶺又

岸幘臨窗意未便又拖筇杖出庭前清秋欲近

露霑艸皎月未升星滿天過埭船爭明旦市躡
車人廢徹宵眠齊民一飽勤如許坐食官倉每
惕然

親舊或見嘲終歲杜門戲作解嘲

十年蕭散住林間只是幽居不是閑續得茶經
新絕筆補成僧史可藏山詩題紫閣憑雲寄藥
報青城附鶴還自笑何曾總無事枉教人道閉

柴關

劔南詩豪

卷之卅七
十一

汲古閣

北窗

寒泉斷藕素絲長紋篔開瓜碧玉香午睡覺來
桐影轉無人可共北窗涼

小詩
新秋以窗裏人將老門前樹欲秋爲韻作

殘暑無多日幽居近小江酒醒中夜起松月入

山窗

又

陸子江海人所願守節死潮生釣瀨邊月落菱
歌裏

又

小智每自私大患緣有身孰能忘彼己吾將友
斯人

又

野艇千錢買明當泛渺茫但能容一棹家具不
須將

劍南詩豪

卷之卅七
十三

汲古閣

又

立朝紹興間猶及見諸老魂夢不可逢丘墳閉
秋艸

又

朝真方捨杖步月始開門零落山花後經旬掩
綠樽

又

唐虞雖已遠至道豈無傳度日一編裏懷人千

載前

又

秋風昨夜來聲滿梧桐樹故人渺天末此夕誰
與度

又

少年雖婚宦淡然本無欲婆娑三畝園自歎不
啻足

又

劔南詩藁

卷之卅七
十四

汲古閣

無食妨何事吾兒可散愁焚香正巾褐聽汝讀
春秋

食新有感貧居久蔬食至是方稍得肉

壯遊車轍遍天涯晚得祠官不去家優老每慙
千載遇食新又歎一年加出波魚美如通印下
棧羊肥抵臥沙捫腹笑歌仍索酒不嫌鄰舍怪

謹譚

秋夕露坐作

銀河半落露華清南斗闌干北斗明冉冉方悲
老將至纖纖又歎月初生酒牀細滴香浮瓮衣
杵相聞聲滿城萬卷讀書無用處却將耕稼報
昇平

不向神林乞雨晴天公自解相西成急符收盡
無逋賦新酒沽多足笑聲外戶徹局停夕柝齊
民相勸力春耕傳聞夜市連三鼓却恨龐公不
劔南詩豪

卷之卅七
十五

汲古閣

入城

大雨

北風挾驕雲突起塞宇宙赫日初未西盼轉失
白晝翻空黑幟合列陣奇鬼鬪雨鏃飛縱橫雷
車助奔驟平階水入戶溝瀆不能受對面語不
聞持繖避屋漏兒童抱圖書衣屨那暇救縱暴
理豈長忽已收簷雷比鄰更相勞捃拾如過寇

老子獨癡頑長歌對醇酎

東西家

東家雲出岫西家籠半山西家泉落澗東家鳴
珮環相對籬數掩各有茆三間芹羹與麥飯日
不廢往還兒女若一家雞犬意自閑我亦思卜
鄰餘地君勿慳

予自春夏屢病至立秋而愈作長句自賀
良藥扶衰抵萬金漸加糜粥輟呻吟溪風拂簟
有秋意山影半庭生夕陰薄俗只成驚老眼幽
劔南詩藁

卷之卅七
十六

汲古閣

居正得遂初心岸中待月攔干曲更覺天公愛
我深

七月十一日雨後夜坐戶外觀月

浴罷淡無事岸幘臨前軒雷雨始退散雲月相
吐吞風蟬斷還續枝間終夕喧露螢闔復開熠
熠綴艸根殘暑會當去孰敢厭炮燔四時莽相
代所歎歲月犇歡惊挽不畱白髮生無根兒女
日夜長子且復有孫澗松偶未薪野鶴猶孤鷺

華表幸來歸餘事何足言

王與道尚書挽詞

朗朗百間屋汪汪千頃陂直能彰主聖清不願
人知許國多艱日逢辰獨斷時人猶望霖雨殄
瘁不勝悲

又

咎遇開藩日嘗叨下榻榮從容陪讌笑傾倒及
平生僭譽言猶在懷知涕易橫終慙五字句不
劔南詩藁

卷之卅七
十七

汲古閣

盡百年情

初秋

雨氣排殘暑風聲送早秋拂窗聞葉落繞井看
螢流臥起須人助炊春尚自謀蕭條歲將晚百
慮入搔頭

感秋

秋色關河外秋聲天地間壯士感此時朝鏡凋
朱顏一身寄空谷萬里夢天山噫嗚怒皆裂憤

激悲涕潛古來真龍駒未必置天閑長松倒澗
壑委棄同秦管得志未可測談笑濟時艱凜然
出師表一字不可刪

北窗試筆

老來日月速去若弦上箭方看出土牛已復送
巢燕清晨覓縑衣正午廢紈扇北窗小雨餘盆
山鬱葱舊病體爲之輕一笑玩筆硯雖無顏柳
工揮灑亦忘倦紙竈墨漸燦蚍蚋爭入卷屬兒
劍南詩藁

卷之卅七
十八

汲古閣

善藏之勿遣俗子見

秋思

秋毫不受俗塵侵隨處悠然一散襟天際挂虹
初斷雨雲頭翳日又成陰引泉北澗長澆竹拂
榻西窗自斲琴藥石掃空身便健始知萬事要
無心

又
雨長蒼苔滿釣磯坐令秋暑歛餘威天高月破

殘雲出野曠風驚蠹葉飛終歲鉏犁猶不飽萬
家碁杵獨無衣早知竟坐儒冠誤射虎南山未
必非

又

身似龐翁不出家一窗自了淡生涯山薑零落
初成子石竹淒涼半吐花寒澗挹泉供試墨墮
巢篝火喚煎茶掩關本意君知否兩耳衰年不
耐譚

劔南詩藁

卷之卅七
十九

汲古閣

又

老懷不慣著閑愁信脚時爲野外遊過雁未驚
殘月曉片雲先俗一天秋村醅似粥家家醉社
肉如林處處留七十已稀今又過問君端的更
何求

新涼

山居謝來客病體喜新涼幽艸上牆綠落花霑
土香捐書心自息聽雨夢偏長菰葉鄰人餉欣

然獨舉觴

又

菰首初離水薑芽淺漬糟粳香等炊玉非美勝
炮羔露下殘蕪溼風生萬木號從今更何事痛
飲讀離騷

自遣

踽踽人間未死身鄉閭共敬六朝民睡無由著
緣多感醉不能成坐一貧幽屏最憎蟲弔夜狂

劍南詩藁

卷之卅七
二十一

汲古閣

吟略似鳥鳴春也知世俗誰知我猶待君王獵
渭濱

自規

曲肱飲水彼何人汝獨何爲厭賤貧大節勿汗
千載史少時便盡百年身圖書幸可傳遺業雞
黍何妨約近鄰今日仲秋還小雨剗鋤麥壟待

新春

鄉人謂八月一日
得雨宜來年麥

感舊末章蓋息有以自廣

庚寅歲入巴東破臥聽清猿月下聲二十九年
窮未死却思當日似前生

又

百堂小益最初程朱棧青崖照眼明十日經行
圖障裏時時馬上聽鶯聲

又

路入梁州似掌平鞦韆蹴鞠趁清明未論日遠
長安近且喜南山天際橫

劔南詩藁

卷之卅七
二十一

汲古閣

又

青城山裏屏風疊太華峰頭腰帶鞵跨鶴橫空
吾欲去九秋月露看青冥

秋日獨酌

艸木秋始繁黃碧照籬落雖云各有時意緒終
索莫老人固多感對此聊命酌風霜肅萬物過
雁在寥廓吾當識其大微物不足託何以豁曠
懷短章可時作

夙興

艸堂風雨少睡眠骨冷始覺非壯年水鳥長鳴
聲戛然庭中棲鴉亦已翻老人清餓如龜蟬起
坐甚夔小窗妍一生空遊膏火煎歸來杜門氣
羸全人看雖不直一錢知我自有穹穹天賦詩
橐成棄不傳殘鐘斷磬知誰編

身世

身世浮沉等一漚臥看校尉例封侯青燈微火

劔南詩橐

卷之卅七
二十二

汲古閣

藥鐺夜淡月淒風衣杵秋醉裏不辭嘲兀兀吟
邊時得寄悠悠卽今老眼無開處又向城南倚
寺樓

憶筓

憶自梁州下益州身閑處處醉紅樓早知虛起
彈冠意悔不常爲秉燭遊詩思已慙馳陣馬目
光猶覺射車牛蓮峰日觀何時到下看人間萬

里秋

豐歲

豐歲驩聲動四鄰
淡秋景氣粲如春
羊腔酒擔爭迎婦
鼉鼓龍船共賽神
處處喜晴過甲子
家家築屋趁庚申
老翁欲伴鄉閭醉
先辦長衫紫領巾

村居

孤村淺浦近江城
西折坡陀一嶺橫
墟落煙生含暮色
園林風勁作秋聲
年豐租稅無逋負
酒

劔南詩藁

卷之卅七
二十三

汲古閣

熟鄉鄰遞送迎
老病愈知難報國
只將高枕送餘生

中秋夜半後無雲而月色微淡尤爲絕景
輕煙薄靄九霄寒
素月渾如隔縠看
此夕洞庭應更好
誰能從我跨青鸞

夜賦

老人不食覺魂清
恍若身遊白玉京
夜靜月驚林鵲起
水涼風颭露荷傾
昏燈一點窺孤夢
画

角三終轉五更欲醉海山還懶去且攜羽扇憩
青城

遣興

學廢文章傳世少身閑車馬過門疎壯心易盡
羸肩酒義氣肯貪熊掌魚列聖仁恩淡雨露兩
京宮闕尚丘墟素懷華渭嗟誰問且作狂歌楚
接輿

秋賽

劔南詩彙

卷之卅七
二十四

汲古閣

柳姑廟前煙出浦冉冉紫空青一縷須臾散作
四山雲明日來爲社公雨小巫屢舞大巫歌士
女拜祝肩相摩芳茶綠酒進雜選長魚大鰕高
嗟峨常年徵科煩箠楚縣家血溼庭前土妻啼
兒號不敢怨期會常憂累官府今年家家有餘
粟縣符未下輸先足木刻吏蒲作鞭自然粟帛
如流泉儲積不愁無九年

寄題周丞相平園

先生道心平如砥秋毫忿慾何曾起漫將周易
著牀頭本不洗心那洗耳先生國論如砥平三
朝倚之作權衡泰階兩兩元不動自然萬里無
欖槍如今歸來曲肱臥世事無窮俱看破不栽
桃李不鉏蘭山僧野叟時來過吾儕七十固已
壽更到期頤亦何有倘知生死本自平拈放一
邊如把酒

雨三日歌

劔南詩豪

卷之卅七
二十五

汲古閣

秋風戒寒雨三日空村無人算蕭瑟北窗書生
萬卷書齒豁頭童真可憐輪囷新蟹黃欲滿磊
落香橙綠堪摘興來尚能氣吞酒詩成不覺淚
漬筆士生蓬矢射四方掃平河雒吾儕職湖中
隱士倘可逢握手與君談至夕

戲作治生絕句

治生何用學陶朱少許能慳便有餘
憺酒已停晨服藥省油仍廢夜觀書

龜堂雜題

龜堂端是無能者妄想元無一事成最後數年
尤可笑飽餐甘寢送浮生

又

癡頑老子老無能遊惰農夫酒肉僧閑著菴門
終日睡任人來喚不曾應

又

長腰玉粒出新春秋獲真成畝一鍾衣食麤供

劔南詩豪

卷之四七
二十六

汲古閣

官賦足何妨世世作耕農

又

冷雨蕭蕭澀不晴亂書圍坐正縱橫忽聞小瓮
新醅熟急喚兒童洗破觥

偶讀陳無已芍藥詩云一枝剗欲簪雙髻

未有人間第一人蓋晚年所作也爲之絕

倒戲作小詩

少年妄想已癡絕鏡裏何堪白髮生縱有傾城

何須汝可憐元未解人情

村舍

過埭六七里竝江三四家
潮生魚滬短風起鴨
船斜世守桑麻業長無市井譁

雨中作

雨聲可愛秋方見睡味無窮老始知
半醉擁衾支倦枕誰能三復放翁詩

江郊

劔南詩豪

卷之卅七
二十七

汲古閣

白艸江郊葺青帘野店秋喧呼估船客嵬峩飲
家流老豈題橋柱愁惟倚寺樓更傷昏澀眼煙
際數歸牛

閑趣

被擁聽秋雨兒扶上夜香甌炊霜後稻糲漬社
前薑馬病空息路僧歸却住房風扉久嘔軋
認艣聲長

飯滿七綴鉢香凝百衲窗雨聲酣曉枕燈燼落
秋釭疾豎元知遜天魔亦已降超然對兒子未
媿鹿門龐

又

老至衰滋劇秋高病尚侵坐看兒學字臥聽客
彈琴困滿雀方鬪栖寒雞欲瘖世情元自嬾不
是事違心

小飲

劔南詩豪

卷之卅七
二十八

汲古閣

莫笑放翁顛歌呼覆酒船雙螯初斫雪珍齏已
披縣寒雨連旬日新橙又一年更須重九到作
意菊花前

作字

整整復斜斜翩如風際鴉書成半行艸眼倦正
昏花未辦倉盛筆寧能錐畫沙老夫端可媿頭
白不名家

晝睡起偶賦

蝴蝶與蒙莊頽然寓一牀日隨香篆過夢逐雨
聲長酒喜新篘綠橙如故歲黃昏昏還隱几誰
識老龜堂

小舟過吉澤劾王右丞

澤園霜露晚孤村煙火微本去官道遠自然人
迹稀木落山盡出鐘鳴僧獨歸漁家閑似我未
夕閉柴扉

湖山雜賦

劍南詩彙

卷之卅七
二十九

汲古閣

門前天鏡倒千峯舍後菰蒲與海通乘興出遊
無遠近煙波何處覓孤篷

又

一生到處賈胡畱身屬官倉不自由白首歸來
更何恨十年爛醉石帆秋

又

東西相望兩湖橋來往無時一画橈買酒每尋
村市步煮蔬時就野僧寮

又

不到梅山二十霜望中常似隔他鄉一杯鬢粟

紗燈下最憶初寒宿上方

梅山寺與敝廬南北相望無二十里然不

到最久

又

煙中一棹小江秋憶上牛頭倚寺樓今日籬邊
殘照裏却從西北望牛頭

太息

劔南詩藁

卷之卅七
三十一

汲古閣

早歲元于利欲輕但餘一念在功名白頭不試
平戎策虛向江湖過此生

又

書生忠義與誰論骨朽猶應此念存砥柱河流
僊掌日死前恨不見中原

又

自古才高每恨浮偉人要出中州卽今未必
無房魏埋沒胡沙死卽休

又

關輔堂堂墮虜塵渭城杜曲又逢春安知今日
新豐市不有悠然獨酌人

學書

九月十九柿葉紅閉門學書人笑翁世間誰許
一錢直窗底自用十年功老蔓纏松飽霜雪瘦
蛟出海挈虛空卽今譏評何足道後五百年言
自公

劔南詩豪

卷之卅七
三十一

汲古閣

晚興

壯遊車轍遍天涯晚落農桑不自知許國雖堅
身遠老讀書未倦眼先衰雲溪嶺路樵歸晚雨
細江亭渡發遲一事猶堪慰孤寂錦囊傾倒有
新詩

秋晴見天際飛鴻有感

新晴天宇色正青群鴻高騫在冥冥兒童相呼
共仰視我亦扶杖來中庭豐年到處稻梁滿胡

不暫下栖沙汀應須江海寄曠快肯爲霜雪嗟
飄零書生可笑不自喜憔悴久翦籠中翎鷗波
萬里每媿杜鶴化千載知非丁風前哀號漫激
烈月下孤影常冷
癖詩成欲寫復嬾去誦似溪
友聲泠泠

初寒獨居戲作

開殼

一作
殼

得紫臬帶葉摘黃甘獨臥維摩室誰

同彌勒龕宗文樹雞柵靈照挈蔬籃一段無生

劔南詩橐

卷之卅七
三十二

汲古閣

話燈籠可與

一作
自可談

夢觀牡丹

忘却晨梳滿把絲棟花嫌不似臙脂起來一笑
看清鏡惟插梨花却較宜

書喜

水際柴荆鍵不開野人相覓漫敲推寒鷗陣黑
疑雲過老木聲酣認雨來酒價日低常得醉官
租時辦不勞催平生未省如今樂却笑傍觀誤

見哀

又

今年端的是豐穰十里家家喜欲狂俗美農夫
知讓畔化行蠶婦不爭桑酒坊飲客朝成市佛
廟村伶夜作場身是閑人新病愈贖移霜菊待
重陽

又

滿川秋穫重頰肩拾穗兒童擁道邊夜夜江村

劔南詩藁

卷之卅七
三十三

汲古閣

無吠犬家家市步有新船奪攘不復憂山越安
樂渾疑是地仙惟有衰翁最知達避胡猶記建
炎年

小飲罷行至湖塘而歸

社酒真如粥面濃朱顏頃刻換衰容霜輕已覺
樹搖落雲起始知山疊重梅市魚歸衝雨棹寶
林人定隔城鐘此翁大似遊僧樣爐煖窗深又

過冬

病雁

祠祿將滿幸麤支朝夕遂不敢復有請而作是詩

蘆洲有病雁雪霜摧羽翰不辭道路遠置身湖
海寬稻梁亦滿目鳴聲自辛酸我正與此同百
憂雙鬢殘東歸忽十載四忝侍祠官雖云幸得
飽早夜不敢安乃知學者心羞媿甚飢寒讀我
病雁篇萬鍾均一簞

澤居

澤居僅足不求餘曠快真同縱壑魚平日酷憎

劔南詩藁

卷之卅七
三十四

汲古閣

蠅附驥算年肯作鶴棄車齒搖但煮岷山芋眼
澀惟觀胄監書此際自應還往絕本無心與俗
人疎

秋穫歌

牆頭累累柿子黃人家秋穫爭登場長碓擣珠
照地光大甑炊玉連村香萬人牆進輸官倉倉
吏鹵冷不暇嘗訖事散去喜若狂醉臥相枕官
道傍數年斯民阨凶荒轉徙溝壑碰相望縣吏

亭長如餓狼婦女怖死兒童僵豈知皇天賜豐
穰畝收一鍾富萬箱我願鄰曲謹蓋藏縮衣節
食勤耕桑追思食不饜糟糠勿使水旱憂堯湯

戊午重九

朋舊相望天一涯登高結伴只鄰家秋風自欲
吹紗帽衰鬢何曾泥菊花藥市神仙思益部鮐
盤節物記京華自憐病後歡悰薄小醉歸來日

未斜

劔南詩豪

卷之卅七
三十五

汲古閣

重九懷獨孤景略

咎逢重九日初識獨孤君竝轡洮河馬聯詩劔
閣雲已悲吳蜀遠更歎死生分安得持卮酒澆
君丈五坟

晨鏡

晨起覽清鏡有叟鬢已皤馘黃色類梔面皺紋
如鞞熟視但驚歎初不相誰何久乃稍醒悟舉
手自摩挲與汝周旋久流年撻飛梭生當老病

死求脫理則那切勿彊撐拄據鞍效廉頗惟須
勤把酒暫遣衰顏醜

秋霽遣懷

陸生少日心膽壯萬里憑陵寄疎放玉關曾誓
馬革裹滄海豈憂魚腹葬人生富貴本細事釣
築逢時俱將相正令不遇亦何廉藥鑿丹爐老
青嶂今年秋晚苦多雨三十六溪新綠漲極知
世事不足論霽日小舟行可榜

劍南詩豪

卷之卅七
三十六

汲古閣

屏迹

管者航濤江雲山迎我東擊楫誓江神永託冥
冥鴻十年桑榆暖萬事馬牛風邇來愈屏迹庭
戶深蒿蓬就甕挹新醅傍畦擷晚菘隣曲或念
我小鮮亦時僕喟然撫几歎恨今已龍鍾向使
早十年何媿柴桑翁

初寒

今日霜露冷凜然悲暮秋垂帷跨微火發篋出

輕裘徂歲逝將換殘生愈覺浮一杯還自閤小
獵記梁州

風雨

風雨從北來萬木皆怒號入夜殊未止聲亂秋
江濤渺然老書生白頭臥蓬蒿閉門不敢出裂
面風如刀鄰人閤我寒牆頭過濁醪時哉一昏
醉新橙宜蟹螯

龜堂自詠

劔南詩彙

卷之卅七
三十七

汲古閣

龜堂一老翁短褐立秋風時過同籬菊身衰似
井桐新霜萬瓦白朝日數櫺紅且復尋書卷悠
然度歲窮

又

采藤持織履剝楮治爲冠看劔心空壯騎驢骨

本寒病多辭酒伴老甚解祠官

予十月奉祠歲
滿不復敢請

賴有扁舟在秋濤萬里寬

閑居初冬作

香枕蒲團又一新天將閑處著閑身東窗換紙
明初日南圃移花及小春婦女晨炊動井臼兒
童夜誦聒比鄰早知閭巷無窮樂悔不終身一
幅巾

病中排悶

面骨崢嶸鬢雪新承平版籍有遺民

予生於宣和中

雖願繼無傳學力不能支已廢身開卷眼昏如
隔霧擁爐肺渴欲生塵老龐亦有兒孫念付與

劔南詩藁

卷之卅七
三十八

汲古閣

天公不問人

季秋已寒節令頗正喜而有賦

霜降今年已薄霜菊花開亦及重陽四時氣正
無愆伏比屋年豐有益藏風色蕭蕭生麥隴車
聲碌碌滿魚塘老夫亦與人同樂醉倒何妨臥
道傍

劔南詩藁卷第三十七



